

Bæjarstjórn Snæfellsbæjar

FUNDARBOÐ – 345. FUNDUR

Fundur er boðaður í bæjarstjórn Snæfellsbæjar, þriðjudaginn 11. maí 2021 og hefst hann í **Ráðhúsi Snæfellsbæjar kl. 16:00.**

Dagskrá bæjarstjórnarfundarins:

- 1) Ársreikningur Snæfellsbæjar og stofnana hans fyrir árið 2020. Seinni umræða. Endurskoðendur mæta á fundinn.
- 2) Ungmennaráð Snæfellsbæjar mætir á fundinn kl. 16:30
- 3) Fundargerðir ungmennaráðs, dags. 20. janúar og 14. mars 2021.
- 4) Fundargerð 91. fundar íþrótta- og æskulýðsnefndar, dags. 2. febrúar 2021.
- 5) Fundargerð öldungaráðs, dags. 21. apríl 2021.
- 6) Fundargerð 148. fundar umhverfis- og skipulagsnefndar, dags. 6. maí 2021.
- 7) Fundargerð 193. fundar félagsmálanefndar Snæfellinga, dags. 4. maí 2021.
- 8) Fundargerðir 189. og 190. fundar Breiðafjarðarnefndar, dags. 7. apríl og 12. apríl 2021.
- 9) Fundargerð 167. fundar Heilbrigðisnefndar Vesturlands, dags. 5. maí 2021, ásamt samþykkt um Heilbrigðiseftirlit Vesturlands.
- 10) Fundargerð 897. fundar stjórnar Sambands íslenskra sveitarfélaga, dags. 30. apríl 2021.
- 11) Fundarboð á XXXVI landsþing Sambands íslenskra sveitarfélaga, dags. 21. maí 2021.
- 12) Fundarboð aðalfundar Landskerfis bókasafna, dags. 19. maí 2021.
- 13) Bréf frá eigendum við Hafnargötu 2, dags. 1. maí 2021, varðandi ósk um malbikun fyrir framan skúrana við Hafnargötu 2.
- 14) Bréf frá Elvu Hreiðarsdóttur, dags. 26. apríl 2021, varðandi ósk um styrk til að niðurgreiða námskeiðsgjald fyrir myndlistarnámskeið barna og unglina sumarið 2021.
- 15) Bréf frá Búnaðarfélagi Staðarsveitar, dags. 29. apríl 2021, varðandi endurtekningu á umhverfisverkefni sumarið 2021.
- 16) Bréf frá Ragnheiði Víglundsdóttur, dags. 29. apríl 2021, varðandi listaverk frá Ríkeyju Ingimundardóttur.
- 17) Bréf frá Sigrúnu H Guðmundsdóttur, dags. 15. apríl 2021, varðandi ósk um aukafjárveitingu til að endurnýja kæliskápa fyrir félagsheimilið og skólann á Lýsuhóli.
- 18) Bréf frá Ásu Gunnarsdóttur, dags. 27. apríl 2021, varðandi úrsögn úr íþrótta- og æskulýðsnefnd.
- 19) Bréf frá Ingibjörgu ehf., dags. 23. apríl 2021, varðandi forkaupsrétt Snæfellsbæjar að Ingibjörgh SH-174 skskrnr. 2624.
- 20) Samkomulag um breytingu á samningi milli Sjúkratrygginga Íslands og Dvalar- og hjúkrunarheimilisins Jaðars, dags. 26. mars 2021.
- 21) Bréf frá Samgöngu- og sveitarstjórnarráðuneytinu, dags. 13. apríl 2021, varðandi fjármál sveitarfélaga.
- 22) Bréf frá Umhverfis- og auðlindaráðuneytinu, dags. 28. apríl 2021, varðandi Breiðafjarðarnefnd.
- 23) Drög að reglum um skólaakstur í dreifbýli á skólasvæði Grunnskóla Snæfellsbæjar.
- 24) Minnispointar bæjarstjóra.

Snæfellsbæ, 7. maí 2021
Kristinn Jónasson, bæjarstjóri

Fundur 20. Janúar 2021

Mæting: Minela, Björg Eva, Laufey Helga

Umræðuefni:

- Valið formann og ritara (Minela og Margret)
- Rætt var erindisblað
- Áhugi til þess að funda við bæjarstjórn og kynna málefni og okkar plön
- Páskabingó? Rafrænt?
- Fá íþróttahúsið fyrir krakka og unglunga og hafa t.d sokkabolta eða körfubolta, halda kanski upp á smá mót allt að 20 manns.
- Sumarið í tröð, þar sem að það gekk ekki upp sumarið 2020
- Fyrirlestrar í grunnskóla
- Hafa fund fljótlega þar sem að mætingin var ekki góð

Fundur 1.mars 2021

Fundur haldinn í íþróttahúsinu í Ólafsvík

Mæting: Minela, Margret, Mónica, Laufey Helga, Davíð Svanur og Anel

Umræðuefni:

- Lækkað aldur fyrir kosningar – má kjósa þegar maður er orðinn 18 ára.
Senda á þau hvort við séum með einhverja skoðun á þessu (skila 15.mars)
- Páskabingó?
- Hafa samband við fyrirtæki og fá nokkur páskaegg (Kassinn, ÓK, Olís, N1)
- Síðustu vikuna í mars
- Ísleikar, bjóða 10. Bekk á nesinu og fleirum
 - Bæjarstjórn
- Hrósa með völlinn
- Láta ljósin vera lengur kveikt á vellinum, þar sem að litlu krakkarnir eru farnir þegar útivistartíminn þeirra er búinn, og þá vilja unglingarnir völlin fyrir þau sjálf.
- Skoða veginn á eninnu
- Hrósa fyrir stíginn frá Ólafsvík til Rif
- Vegurinn í Grundarbrautinni (brekkan) sprungin
- Gangstéttir sprungnar
- Lengja opnunartíma í sundlauginni.

Fundur 14.mars 2021

Fundurinn var haldinn í íþróttahúsinu í Ólafsvík

Mæting: Margret, Björg Eva, Anel, Minela, Laufey Helga

Umræðuefni:

- 8. Apríl bæjarstjórnarfundur
- Fá styrki fyrir bingó
- Bjóða Grunnskólanum í páska bingó. Vera með það í íþróttahúsinu og leyfa þeim að taka + 1 með.
- Borga þá inn?
- 29. Mars laugardagur kl ? í íþróttahúsinu í Ólafsvík, draga stúkuna út og allir verða í stúkuni en við í ungmennaráðinu verðum á gólfinu. Reyna að hafa góða stemmningu þegar þetta er að byrja til dæmis góð tónlist.

Bæjarstjórnafrspurningar

- Sundlaugin opin lengur
- Lýsingin á litla vellinum lýsa lengur
- Í staðinn fyrir að hafa venjuleg ljós í ljósastaurum fá sólarorku ljósastaura, betra fyrir náttúruna.
- Bæta svo við fleiri.....

Fundur var haldinn í íþróttahúsi Snæfellsbæjar miðvikudaginn 02. febrúar 2021 kl: 20:00

Á fundinn mættu:

Laufey Helga Árnadóttir
Atli Már Gunnarsson
Daði Rúnar Einarsson
Brynja Mjöll Ólafsdóttir
Adam Geir Gústafsson
Ása Gunnarsdóttir

Fyrsta mál á dagskrá: Kosning formanns

Þar sem Rán er hætt sem formaður vegna flutninga þarf að kjósa nýjan formann. Brynja Mjöll kemur inn í staðin fyrir Rán og hún tilnefnir Atla Má sem nýjan formann og nefndin samþykkir það.

Annað mál á dagskrá: Fundargerð ungmennaráðs

Fundargerð frá nýju ungmennaráði rædd og samþykkt. Rætt um mögulegan stað fyrir krakka á framhaldsskólaaldri til að hittast. Stungið upp á opnu húsi, svipað fyrirkomulag eins og í Styk- kishólmi (í félagsmiðstöðinni þar).

Þriðja mál á dagskrá: Málefni félagsmiðstöðvar

Pétur Steinar sem ráðinn var í haust er hættur í félagsmiðstöðinni. Birgir Vilhjálmsson var ráðinn í stað hans. Ungmennaráð kom með þá hugmynd að fá félagsmiðstöðina með í leigja tölvur fyrir rafíþróttadeild sem á að stofna. Rætt um nýja staðsetningu félagsmiðstöðvarinnar og ákveðið að hittast öll í nýja húsnæðinu til að skoða og ákveða uppsetningu/útlit.

Fjórdða mál á dagskrá: Heilsuvika

Viljum færa heilsuvikuna þar til í haust, bæði vegna Covid ástands og við teljum það almennt vera hentugri tími. Það er möguleiki á að fá rafræna fyrirlestra og uppákomur núna í vor en ekki talið spennandi. Stefnum á að fá fyrirtæki í Snæfellsbæ til að taka virkan þátt í dagskránni í haust. Fá heilsufarsmælingar inn næsta haust.

Stefnt á að hafa heilsuátak í mars sem væri einstaklingsmiðað. Vinsælasta hugmyndin sem kom upp var að hafa frítt í sund í mars og hafa "sundkeppni" milli íbúa.

Fundi slitið kl: 21:40

Fundur í Öldungaráði Snæfellsbæjar þann 21. apríl 2021
Haldin í Ráhúsi Snæfellsbæjar kl 15,00. Fundur no 11 frá upphafi.

Mættir voru: Jón Guðmundsson, Jóhanna Gunnarsdóttir, Pétur Steinar Jóhannsson og Erla Laxdal formaður nefndarinnar

Formaður bauð fundarmenn velkomna á firsta fund ársins 2021

Mál no 1: Um hreinsun á lóða

Á ágætum fundi í Klifi hjá félagi eldri borgra í mars sl urðu ma umræður um hreinsun lóða þe slátt og tiltekt. Þetta mál var tekið fyrir á fundi Öldungaráðs í dag og það rætt. Eftir farandi var samþykkt með öllum greiddum atkvæðum:

Öldungaráð Snæfellsbæjar samþykkir að beina því til bæjarstjórnar að þeir eldri borgarar og öryrkjar sem þess óska fái flokk eldri unglina sem eru í sumar bæjarvinnunni til að hreinsa lóðir viðkomandi þe blómabeð og runna og verði það án endurgjalds.

Greinargerð: Nauðsynlegt væri að þetta yrði gert í amk tvö skipti þe fyrst á vorin/júni og svo einu sinni til tvisvar yfir sumarið. Eldri borgarar og öryrkjar myndu þá sækja um til Snæfellsbæjar og vinnan yrði gerð í samvinnu við þá. Þetta yrði undir stjórn Stefáns Jónssonar garðyrkjustjóra í Snæfellsbæjar.

Þetta yrði mikil hjálp fyrir þá sem þurfa á því að halda. Alltaf er verið að tala um að gera þessum hóp auðveldara til að búa lengur heima. Svona hreinsun og þrif getur verið erfíð þeim sem ekki geta og fólk því ánægt að líta yfir flottan garðin sinn að verki loknu. Öldungaráð þakkar góða undirtektir Snæfellsbæjar við sláttin sl ár og viljum við taka fram að mikil ánægja hefur verið sláttinn síðast liðin ár.

Mál no 2: Íbúðamál eldri borgara í Snæfellsbæ

Eftirfarandi var samþykkt eftir umræður með öllum greiddum atkvæðum:

Öldungaráð Snæfellsbæjar vill hvetja Bæjarstjórn Snæfellsbæjar til að láta verða af því sem first að byggja tvö tveggja til þriggja íbúða parhús/raðhús. Yrði annað þeirra staðsett í Ólafsvík og hitt á Hellissandi.

Greinargerð: Öldungaráð hefur rætt um þessi mál í tvö ár á sínum fundum og finnst nú komið til að framkvæma. Mikil vöntun er orðið á minna íbúðarhúsnæði fyrir eldri borgara í Snæfellsbæ. Margir þeirra eru með stórar eignir eins og áður hefur komið fram á fundi Öldungaráðs. Viljum við benda á parhúsin tvö sem eru við Engihlíð í Ólafsvík og eru góð fyrirmynd sem myndi henta.

Benda má að byðlisti er eftir að komast í þau. Við byggingu húsana myndi losna um fyrir yngra fólk með fjölskyldur til flytja sig í stærra húsnæði.

Mál no 3: Sundleikfimi eldri borgara í SNB

Öldungaráð Snæfellsbæjar vill koma á framfæri þökkum til Bryndísar Kristjánsdóttur fyrir þann tíma sem hún hafði umsjón með sundleikfimi fyrir eldri borgara í Snæfellsbæ. Jafnframt er nýrri umsjónarkonu Helenu Billington óskað alls hins besta í starfinu.

Fleira ekki gert og fundi slitið kl 15,50.

Fundargerð ritaði Pétur Steinar Jóhannsson

UMHVERFIS- OG SKIPULAGNEFND SNÆFELLSBÆJAR

Umhverfis- og skipulagsnefnd - 148148. fundur umhverfis- og skipulagsnefndar
haldinn í Ráðhúsi Snæfellsbæjar, 6. maí 2021
og hófst hann kl. 09:30.

Fundinn sátu:

Drífa Skúladóttir, Halldór Kristinsson, Illugi Jens Jónasson, Davíð Viðarsson, Kristjana Hermannsdóttir og Stefán Jónsson.

Fundargerð ritaði: Valgerður Hlín Kristmannsdóttir, Aðstoðarmaður skipulags- og byggingarfulltrúa.

Dagskrá:

1. DSK_Brekkun - Deiliskipulagsbreyting - 2102011

Skipulags- og byggingarfulltrúi kynnir drög að breyttu skipulagi fyrir Brekkuna. Erindið var kynnt bæjarstjórn sem lagði áherslu á að landmótun lóðar yrði á kostnað lóðarhafa í samráði við Snæfellsbæ. Jafntframt lagði bæjarstjórn áherslu á að möguleiki væri á byggingu parhúsa.

Breytingin felst í því að lóðum yrði fækkað úr 19 í 11 lóðir.

Umhverfis- og skipulagsnefnd samþykkir skipulagstillögu og vísar því í lögboðið ferli.

Samþykkt

2. Grundarbraut 1_Umsókn um byggingarleyfi fyrir bílageymslu - 2002004

Málið er tekið upp að nýju en því var frestað vegna lóðamál aðliggjandi lóðar við Grundarbraut 1.

Sigurður Jónsson sækir fyrir hönd Hempils ehf. um leyfi til að byggja 24 fm bílageymslu við Grundarbraut 1 í Ólafsvík. Jafntframt er óskað eftir stækkun á lóð Jónshúss í samræmi við uppdráttinn.

Umhverfis- og skipulagsnefnd tekur vel í erindið og felur tæknideild að útfæra stækkun á lóð.

Jákvætt

3. Fossabrekka 3_Umsókn um byggingarlóð og byggingarleyfi - 2011008

Jón Tryggvason sækir um byggingarleyfi fyrir 224,2 fm einbýlishúsi úr timbri að Fossabrekku 3.

Umhverfis- og skipulagsnefnd samþykkir erindið með fyrirvara um samþykki deiliskipulags.

Samþykkt

4. Sandholt 20_Umsókn um byggingarleyfi v. gluggaskipta - 2103028

777
KA
Mokk
B

UMHVERFIS- OG SKIPULAGNEFND SNÆFELLSBÆJAR

Hafdís Rán Brynjarsdóttir sendir inn frekari teikningar af gluggum eins og beðið var um á fundi umhverfis- og skipulagsnefndar nr. 147.

Umhverfis- og skipulagsnefnd samþykkir erindið.

Samþykkt

5. Grundarbraut 30 - Umsókn um leyfi fyrir breytingum utanhúss - 2105005

Björn Haraldur Hilmarsson óskar eftir leyfi fyrir því að klæða hús sitt að Grundarbraut 30 með steinflísum (30x60). Einnig óskar hann eftir því að fá að stækka bílskúrshurð um 20 cm á breidd og loka glugga á framhlið. Sjá meðfylgjandi mynd.

Umhverfis- og skipulagsnefnd samþykkir erindið.

Samþykkt

6. Klifbrekka 6a_Umsókn um byggingarleyfi fyrir smávægilegum útlitsbreytingum - 2105010

Karl Pétursson sendir inn ný gögn vegna minniháttar breytinga á teikningum Klifbrekku 6a, Ólafsvík. Breytingarnar sem um ræðir er textabreyting á teikningu úr "timburklæddu" í "bárujárnsklætt". Að auki er hætt við svokallað bíslag og teiknaður frístandandi veggur í staðinn.

Við svokallað gestahús er gerð breyting á útliti til samræmis við núverandi hús. Í því fellst aðallega gluggaásýnd. Breytingin á við allar hliðar nema suðurhlið hússins. Örlítil stækkun á húsinu varð óhjákvæmileg vegna þessara gluggabreytinga. Einnig var teiknaður frístandandi veggur þar til samræmis við núverandi hús.

Illugi vísar af fundi.

Umhverfis- og skipulagsnefnd samþykkir erindið.

Illugi kemur inn.

Samþykkt

7. Sandholt 22_Umsókn um leyfi fyrir breytingum á gluggum og þakkanti - 2105011

Jóhannes Ólafsson óskar eftir leyfi fyrir nýjum þakkanti og að skipta út þremur gluggum að Sandholti 22, Ólafsvík. Sjá meðfylgjandi mynd og teikningar.

Kristjana vísar af fundi.

Umhverfis- og skipulagsnefnd samþykkir erindið.

Kristjana kemur inn.

Samþykkt

8. Hafnargata 8_Umsókn um byggingarleyfi fyrir klæðningu - 2105013

Alexander Kristinsson sækir um fyrir hönd Sjávariðjunnar Rifi um leyfi fyrir nýrri klæðningu að Hafnargötu 8. Sett verður liggjandi hvít bára.

Halldór vísar af fundi.

Umhverfis- og skipulagsnefnd samþykkir erindið.

UMHVERFIS- OG SKIPULAGNEFND SNÆFELLSBÆJAR

Halldór kemur inn.

Samþykkt

9. Vallholt 26_Umsókn um byggingarleyfi fyrir tveimur nýjum útsýnisgluggum - 2105016

Magnús Darri Sigurðsson sækir um leyfi fyrir breytingum á húsinu. Breytingin er á þann veg að tveir útsýnisgluggar verða settir í norður- og austurátt. Sjá meðfylgjandi teikningu.

Umhverfis- og skipulagsnefnd samþykkir erindið.

Samþykkt

10. Hjarðartún 12_Umsókn um byggingarleyfi vegna skiptingar á fasteign í tvær fasteignir - 2104004

Óskað er eftir samþykki á innlögðum teikningum en húsinu verður skipt í tvær fasteignir eftir og neðri hæð.

Umhverfis- og skipulagsnefnd samþykkir erindið.

Samþykkt

11. Ólafsbraut_Umsókn um framkvæmdarleyfi vegna bættra sjóvarna - 2105012

Vegagerðin sækir um framkvæmdarleyfi til þess að endurbyggja, styrkja og hækka sjóvarnir við Ólafsbraut á um 237 m kafla. Sjá meðfylgjandi teikningu.

Umhverfis- og skipulagsnefnd samþykkir erindið.

Samþykkt

12. Háarif 13-15_Umsókn um leyfi fyrir bílastæði norðan götu - 2105014

Hjálmar Kristjánsson sækir fyrir hönd KG Fiskverkun um leyfi til að setja 30x7 m bílastæði norðan við Háarif 13 og 15. Sjá meðfylgjandi teikningu.

Umhverfis- og skipulagsnefnd samþykkir erindið.

Samþykkt

13. Tjörninn við Rif_Minningarbekkur - 2105015

Þorbjörg Alexandersdóttir og Kristinn J. Firðþjófsson sækja um leyfi fyrir því að setja hvíldarbekk úr granít við göngustíg sem er meðfram tjörninni á Rifi. Einnig hafa þau áhuga á því að helluleggja smá reit undir og í kringum bekkinn. Aðstandendur tveggja sjö ára drengja, Bergþórs og Friðþjófs Halldórs sem drukknuðu í tjörninni fyrir frimmtíu árum þann 4. júlí 1971, framkvæma þetta í minningu þeirra.

Umhverfis- og skipulagsnefnd samþykkir erindið.

Samþykkt

14. Grundarslóð 12_Umsókn um stöðuleyfi fyrir hjólhýsi - 2105006

Axel Már sækir um fyrir hönd Útvarar ehf um stöðuleyfi fyrir hjólhýsi á Grundarslóð 12 vegna strandveiða sumarið 2021.

Umhverfis- og skipulagsnefnd samþykkir stöðuleyfi sumarið 2021. Nefndin bendir á að hafa þarf gott bil á milli hjólhýsa vegna brunavarna.

Samþykkt

15. Grundarslóð 12_Umsókn um stöðuleyfi fyrir hjólhýsi - 2105007

777

KA

M.K.

○

UMHVERFIS- OG SKIPULAGNEFND SNÆFELLSBÆJAR

Magnús Ólafsson sækir um stöðuleyfi fyrir hjólýsi sumarið 2021 vegna útgerðar.

Umhverfis- og skipulagsnefnd samþykkir stöðuleyfi sumarið 2021. Nefndin bendir á að hafa þarf gott bil á milli hjólhýsa vegna brunavarna.

Samþykkt

16. Grundarslóð 12_Ragnar Guðmundsson sækir um stöðuleyfi fyrir hjólhýsi - 2105008

Ragnar Guðmundsson sækir um stöðuleyfi fyrir hjólýsi sumarið 2021 vegna útgerðar.

Umhverfis- og skipulagsnefnd samþykkir stöðuleyfi sumarið 2021. Nefndin bendir á að hafa þarf gott bil á milli hjólhýsa vegna brunavarna.

Samþykkt

17. Grundarslóð 12_Sveinn Björgvinsson sækir um stöðuleyfi fyrir hjólhýsi - 2105009

Sveinn Björgvinsson sækir fyrir hönd Traveller slf um stöðuleyfi að Grundarslóð 12 fyrir hjólýsi sumarið 2021 vegna strandveiða.

Umhverfis- og skipulagsnefnd samþykkir stöðuleyfi sumarið 2021. Nefndin bendir á að hafa þarf gott bil á milli hjólhýsa vegna brunavarna.

Samþykkt

18. Stöðuleyfi_Umsókn um leyfi fyrir fjölmiðlagám fyrir sumarið 2021 - 2105017

Þorsteinn Haukur Harðarson sækir fyrir hönd Víkings Ólafsvík um leyfi fyrir því að fjölmiðlagámur verði settur niður fyrir Víking Ó. sumarið 2021 milli varamannaskýlanna við Bæjartúnið.

Umhverfis- og skipulagsnefnd hafnar umsókn um gám og vill, í samstarfi við Víking, finna aðra lausn á málinu.

Hafnað

19. Umsókn um vindmyllu - 2105018

Agnar Gestsson óskar eftir afstöðu nefndarinnar ef upp yrði sett vindmylla á Lýsuhóli.

Hæð vindmyllu er 30 metrar og þvermál spaða er 20 metrar. Hámarksafköst vindmyllunnar er 100 KW.

Umhverfis- og skipulagsnefnd frestar málinu og óskar eftir að bæjarstjórn taki það sérstaklega til skoðunar.

Frestað

20. Önnur mál - Umhverfis- og skipulagsnefnd 2021 - 2101004

Rætt var um númerslausa bíla og fá heilbrigðiseftirlitið til að fara um bæjarfélagið.

Grundarbraut 6B fyrirspurn um stækkun á bílskúr
- Nefndin tók vel í erindið

Rætt um Hellisbraut 20, umhirðu og eldvarnir. Nefndin fer fram á að húsið verði skoðað af byggingarfulltrúa og eldvarnaeftirliti Snæfellsbæjar.

Rætt um íbúafund á Hellnum

Fleira ekki gert. Fundi slitið kl. 11:15.

Floeyi Lem Jararson
Krisjana Hermannsd.

Halldur Kinnarson

DR



Fundargerð 193. fundar félagsmálanefndar Snæfellinga

Opinber útgáfa!

Fundarstaður; Fundarstaður: „Teams-fjarfundarbúnaður“
Dagsetning; þriðjudagur 4. maí, 2021 kl. 16.30

Mættir: Eygló Bára Jónsdóttir, Hermína Kristín Lárusdóttir, Birta Antonsdóttir, formaður, Sigrún Þórðardóttir, Ragnheiður Harpa Sveinsdóttir, Ingveldur Eypórsdóttir, yfirfélagsráðgjafi FSS og Sveinn Þór Elinbergsson, forstöðumaður FSS.

Dagskrá: **Meðferð máls**

1. Birta Antonsdóttir, formaður, setur fund og stýrir.

2. **Málefni , skv. lögum um barnavernd** kynning – umræða –
afgreiðsla“
(...fært í trúnaðarbók félagsmálanefndar)

3. **Málefni, skv. lögum um félagsþjónustu sveitarfélaga** kynning – umræða – afgreiðsla
(...fært í trúnaðarbók félagsmálanefndar)

4. **Málefni , skv. lögum og reglugerð um sérfræðiþjónustu við leik- og grunnskóla**
kynning – umræða –
afgreiðsla
a) FSS í samráði við grunn- og leikskólana undirbýr nú haustnámskeið skólastiganna; grunnskólarnir með „Nám við hæfi“ sem fram fer í Ólafsvík 18. ágúst og leikskólarnir með umfjöllunarefnið „Leikur“ sem fram fer í Grundarfirði þann 8. október

5. **Önnur mál** kynning – umræða
a) Næsti fundur nefndararinnar, nr. 194, verður haldinn í Ráðhúsi Stykkishólmsbæjar þriðjudaginn 1. júní kl. 16.30. Hamli sóttvarnir þeim fundi verður hann færðu á Team-fjarfundaheimilið.



FÉLAGS- OG SKÓLAPJÓNUSTA SNÆFELLINGA

- b) Forstöðumaður kynnti stöðu byggingar þjónustuíbúðakjarna fatlaðs fólks sem og annan undirbúning að starfsemi og rekstri íbúðakjarnans.
- c) Vegna búferlaflutnings tilkynnir Eygló Bára úrsögn sína úr félagsmálanefnd að afloknum 194. fundi nefndarinnar þann 1. júní n.k.

Fleira ekki gert og fundið slitið kl. 18.05

Fundarritari: Sveinn Þór Elinbergsson



189. fundur Breiðafjarðarnefndar, haldinn 7. apríl 2021, á Teams

Mætt: Erla Friðriksdóttir formaður, Guðríður Þorvarðardóttir, Ragnhildur Sigurðardóttir, Arnheiður Jónsdóttir, Róbert Arnar Stefánsson, Karl Kristjánsson og Magnús A. Sigurðsson.

Eyjólfur Bjarnason tilkynnti forföll.

Fundarritari: Theódóra Matthíasdóttir (TM)

Formaður setti fund kl. 10:30.

Fundargerð 188. fundar

Afgreiðsla:

Fundargerð lesin upp og samþykkt.

Erindi frá UST: Tillaga að friðlýsingu þjóðgarðs á Vestfjörðum

Lögð fram tillaga að friðlýsingu þjóðgarðs á sunnanverðum Vestfjörðum.

Afgreiðsla:

Nefndin fagnar hugmyndum um fyrirhugaðan þjóðgarð, enda líkur á að stofnun hans geti orðið til góðs fyrir umhverfi og samfélag á Vestfjörðum. Nefndin telur þær einnig falla vel að niðurstöðum Breiðafjarðarnefndar um framtíð Breiðafjarðar, sbr.

http://www.breidafjordur.is/wp-content/uploads/2021/01/20210119_framtid_Breidafjardar_2021.pdf.

Breiðafjarðarnefnd bendir á að í auglýsingunni er hvergi minnst á verndarsvæði Breiðafjarðar, sbr. málsgreinina í 1. gr. „Þjóðgarðurinn er fyrsti þjóðgarðurinn á Vestfjörðum og innan marka hans eru friðland og tvö náttúruvætti sem áður voru friðlýst.“ Nefndin telur mikilvægt að fjallað sé um hvernig tilvonandi þjóðgarður skarast á við verndarsvæði Breiðafjarðar og lögin sem um það fjalla (nr. 54/1995).

Í 7. gr. auglýsingarinnar, þar sem fjallað er um rannsóknir og vöktun, kemur fram að Náttúrufræðistofnun Íslands beri ábyrgð á vöktun á verndarsvæðinu og þar vísað til 74. gr. laga um náttúruvernd nr. 60/2013.

Náttúrufræðistofnun Íslands er óumdeilanlega höfuðstofnun á sviðinu og skv. greininni ber hún ábyrgð á vöktun lykilþátta íslenskrar náttúru að því marki sem hún er ekki falin öðrum stofnunum með lögum. Minnt er á að fleiri stofnanir hafa lagahlutverk þegar kemur að vöktun náttúrunnar, þar á meðal Hafrannsóknastofnun (sbr. 5. gr. laga nr. 112/2015 um Hafrannsóknastofnun, rannsókn- og ráðgjafarstofnun hafs og vatna) og náttúrustofur (sbr. 4. og 11. gr. laga nr. 60/1992 um Náttúrufræðistofnun Íslands og náttúrustofur). Nærtækt væri að fela Náttúrustofu Vestfjarða verkefni í fyrirhuguðum þjóðgarði, enda kemur fram í áðurnefndri grein að Náttúrufræðistofnun Íslands geti haft



samstarf við aðra aðila um vöktun og geti falið t.d. náttúrustofum að annast tiltekna þætti hennar.

Landvarsla á Breiðafirði

Breiðafjarðarnefnd óskaði eftir því við umhverfis- og auðlindaráðuneytið að það veitti fjármagni til landvörslu við Breiðafjörð sumarið 2021, eins og tvö síðastliðin ár. Svar hefur borist frá ráðuneytinu sem samþykkti að styðja við landvörslu á Breiðafirði með 5 milljón króna framlagi sumarið 2021. Verkefnið verður unnið í samstarfi við Umhverfisstofnun með svipuðum hætti og síðasta ár.

Afgreiðsla:

Breiðafjarðarnefnd fagnar fjárveitingu til landvörslu á Breiðafirði enda um mikilvægt verkefni að ræða fyrir verndarsvæði Breiðafjarðar.

Hugmyndir Breiðafjarðarnefndar ræddar fyrir fyrirhugaðan fund með fulltrúum Umhverfisstofnunar í kjölfar þessa fundar.

Framtíð Breiðafjarðar: erindi frá Stykkishólmsbæ

Á 395. fundi bæjarstjórnar Stykkishólmsbæjar, 28. janúar 2021, var samþykkt að senda Breiðafjarðarnefnd bókanið frá 394. fundi bæjarstjórnar Stykkishólmsbæjar vegna umsagnar um skýrslu Breiðafjarðarnefndar um framtíð Breiðafjarðar.

Á 396. fundi bæjarstjórnar Stykkishólmsbæjar var lögð fram bókun varðandi lokaskýrslu Breiðafjarðarnefndar um framtíð Breiðafjarðar.

Afgreiðsla:

Bókanið lagðar fram til kynningar. Breiðafjarðarnefnd bendir á að lokasamantekt og niðurstöðum nefndarinnar vegna framtíðar Breiðafjarðar var skilað til umhverfis- og auðlindaráðherra þann 19. janúar 2021. Breiðafjarðarnefnd fundaði í kjölfarið með ráðherra þann 22. janúar. Skýrslan var einnig birt á heimasíðu Breiðafjarðarnefndar. Niðurstöður nefndarinnar í lokaskýrslu byggðu á þeim umsögnum sem þá höfðu borist nefndinni frá Stykkishólmsbæ.

Bókunum um framtíð Breiðafjarðar frá 395. fundi og 396. fundi bæjarstjórnar Stykkishólmsbæjar verður komið áfram til umhverfis- og auðlindaráðuneytisins.

Önnur mál.

Endurnýja þarf skilti Breiðafjarðarnefndar við Súgandisey.

Skilti við Brjánslæk bíður uppsetningar þar til endurbótum á hafnarsvæði þar er lokið.

Fundi slitið kt. 11:35.

190. fundur Breiðafjarðarnefndar, haldinn 12. apríl 2021, á Teams

Mætt: Erla Friðriksdóttir formaður, Guðríður Þorvarðardóttir, Ragnhildur Sigurðardóttir, Arnheiður Jónsdóttir, Róbert Arnar Stefánsson, Karl Kristjánsson og Magnús A. Sigurðsson.

Fundarritari: Theódóra Matthíasdóttir (TM)

Formaður setti fund kl. 10:35.

Landvarsla við Breiðafjörð

Gott væri að leggja höfuðáherslu á landvörslu á norður- og austursvæði sumarið 2021. Þar er ferðaþjónusta vannýtt auðlind. Þó er mikilvægt að vera líka með viðveru landvarða á Snæfellsnesi þar sem mikið er um ferðamenn og mikil uppbygging hefur átt sér stað. Ef leggja á áherslu á fræðslu og fræðslugöngur skiptir máli að prófa þær annars vegar á svæði með mikilli ferðaþjónustu og hins vegar á svæði þar sem ferðaþjónusta er minni.

Brýnt er að líta til þess sem vel hefur verið gert í landvörslu og ferðaþjónustu á Snæfellsnesi og sá fræjum við norðanverðan fjörðinn. Landverðir ræði við heimamenn, fulltrúa sveitarfélaga, landeigendur og ferðamenn.

Á Reykhólum er aðgengi að fjöru gott. Umferð um Reykhólasvæðið á eftir að stóraukast í framtíðinni með bættum vegasamgöngum. Við þurfum að vera á undan umferðinni og vernda ákveðin sérstök svæði. Hugmyndir um að friðlýsa t.d. Berufjörð og Króksfjörð. Þar eru miklar leirur með mikilvægu fuglalífi. Sveitarfélög geta unnið góða undirbúningsvinnu hvað þetta varðar og undirbyggt áningarstaði. Þannig verði hægt að skipuleggja ferðaþjónustu þannig að hún ógni ekki lífríki en sé aðgengileg þeim sem hafa áhuga.

Æskilegt væri að senda landverði í siglingar með þeim fyrirtækjum sem bjóða upp á siglingar fyrir ferðamenn um verndarsvæðið. Það gefur landvörðum aðra sýn á svæðið og gefur þeim líka tækifæri til að spjalla við farþega og þá sem bera ábyrgð á þessum ferðum.

Í skýrslum um landvörslu á Breiðafirði árin 2019 og 2020 er að finna mikið af góðum upplýsingum og úttekt á svæðum. Það væri synd ef ekki væri unnið áfram með þær. Hver væri rétti aðilinn til þess að skipuleggja áningarstaði og leiðir niður að sjó? Gæti nefndin mögulega haft frumkvæði að því að koma þeim málum í einhvern farveg? Sveitarfélög við fjörðinn ættu að geta sótt í framkvæmdasjóð ferðamannastaða. Auk þess væri áhugavert að skoða C9 verkefni byggðaáætlunar.

Tillaga að skiptingu landvarðavikna fyrir árið 2021:



5 vikur á norðursvæði
5 vikur á austursvæði
4 vikur í Flatey
2 vikur á Snæfellnesi

Klukkan 11:00 mættu fulltrúar Umhverfisstofnunar, Edda Kristín Eiríksdóttir og Linda Hallgrímsdóttir, á fundinn.


Hlutverk landvarða er fyrst og fremst að fræða um náttúruna, gæta þess að ákvæði laga séu ekki brotin og sinna viðhaldi. Það er ekki þeirra hlutverk að byggja upp ferðapjónustu á svæðum. Áhersla verður lögð á skipulagðar göngur en hvað eiga landverðir að gera annað á svæðinu? Það þarf að skilgreina vel á hvaða svæði landverðir við Breiðafjörð eiga að starfa.

Af landvörslu fyrri ára má ráða að ekki sé orðið mikið álag og ágangur á svæðinu enn sem komið er. Þá sé helst um að ræða Flatey, Súgandisey, Kirkjufell og Kirkjufellsfoss.

Breiðafjarðarnefnd leggur áherslu á að um sé að ræða fyrirbyggjandi vinnu. Ekki að bíða eftir því að sjá hvaða staðir verða fyrir álagi og bregðast þá við heldur skipuleggja svæðið svo það verði undirbúið undir aukinn ferðamannastraum og álag. Þá er gott að til staðar sé prógramm með tilbúnum göngum og áfangastöðum. Landverðir gætu því kortlagt/stíkað svæði þar sem aðgengi er gott, þar sem auðvelt er að ganga um og þar sem svæðið þoli ágang.

Verkefnalisti ætti ekki að vera vandamál:

- Samtal við landeigendur og heimamenn er mikilvægt og jafnvel að það þurfi að eiga sér stað aftur og aftur.
- Undirbúningur að því að jafnvel verði hægt verði að friðlýsa smærri svæði innan verndarsvæðisins í framtíðinni.
- Hvar er aðgengi að sjó? Eru til staðar leiðir niður að sjó þar sem landeigendur og skipulagsyfirvöld hafa gefið leyfi? Þarf að bæta við þær?
- Samvinna við fyrirtæki sem eru að nota Breiðafjörðinn. Hvaða lög og reglur gilda á svæðinu, t.d. hvað varðar arnarvörp, friðlýst æðarvörp o.s.frv.
- Þó verndarsvæðið sé skilgreint sem eyjar og fjörur þá þarf að hugsa landvörslu í stærra samhengi.
- Eitt af verkefnum gæti verið að kortleggja gönguleiðir, mislangar og hvað er að sjá á þeim. Undirbúningsvinna sem gæti nýst inn í framtíðina. Sumar yrðu nýttar áfram og sumar ekki. Stórt svæði svo þetta er margra ára verkefni ef á að gera vel.



Samþykkt að Umhverfisstofnun ráði landverði út frá tillögum Breiðafjarðarnefndar að vikuskiptingum. Breiðafjarðarnefnd taki saman verkefnalista út frá lokaskýrslum landvarða og vangaveltum sínum og sendi fulltrúum Umhverfisstofnunar.